

"Comision Buena Boluntad" a presentá rapport Cu varios sugerencia riba celebracion pa Carnaval 40

ORANJESTAD - Manera tur hende sa cu tur aña sea promé of durante di Carnaval tin hopi problema y e aña aki esaki un biaha mas no tabata un exsepsion. Pesey mes a dicidi di lanta un comision pa discuti vario punto p'asina duna algun sugerencia na SAC.

E comision despues di a pone basta punto riba papel den un estilo di rapport a manda esaki ayera hunto cu un carta pa tanto Ministro di Husticia Rudy Croes como Sr. Milo Croes presidente di SAC.

Un di e metanan principal di e comision tabata pa trece recomendacionnan dilanti pa un mihó celebracion pa 40 aña di Carnaval pa por haci di esaki un fiesta grandi.

E miembronan cu ta traha den e comision aki ta Milo Croes di SAC, ShonPe Krozendijk polis, John Jeandor ASOMA, John Flemming pa grupo, Alvin Koolman pa grupo, Marcia Stamper pa grupo, Ruben Garcia prensa, Jubi Naar prensa, Reimundo Barros sponsor y Shereen de Cuba secretaria.

Puntonan treci dilanti-organiza

E comision a bin ta inventarizá tur e problemanan di cual a pasa mesora pa e recomendacionnan cu ta e.o.; Ruta di Carnaval, Costo di bandanan cu tabata uno hopi importante, Mirones burachi den Trailer ta un problema. E organizacion/motivacion, temporada promé durante y despues di Carnaval.

Premionan di Beker/Certificado inadecuado. Categoría di premionan -Queen of band y no premio individual den grupo. Manera pa yuda

bandanan gruponan cu Fundraising, bar, cushina na eventonan, hisa prijs di Kavel y duna gruponan, bandanan e recaudacion di esaki. Di e forma aki por haya cu e cantidad di kavel ta bira menos.

Problema cu eleccion di Reinanan. Reglamentonan di SAC cu no ta mucho cla pa esnan cu ta participando.

Homber of personanan burachi den gruponan. E boternan di cerbez durante parada. Tambe a ser analizá pa habri carnaval y bon organizá tempran. Esaki ta habri Carnaval 11'or di mainta November 11, 1993 cu Banner, programanan cla y presentá e mesun dia, local no tabata e caso durante e último 39 añanan.

Reglamento y 'scoring sheet' di SAC pa loke ta e gruponan cu ta bai den Carnaval. P.e. cu T-shirt no ta permití. Reina ta habri parada?

E forma di conscientizá e pueblo pa loke ta Carnaval, preguntanan manera; di con ta celebrá Carnaval, pasobra despues ta Cuaresma mester duna respet na dje. Preparacion, costo y motibo cultural.

Participantenan ta bon pa analizá cu sin nan no tin Carnaval y esey ta haei cu e no ta sigui crece. E celebracion cu su indulgencia cu control. Efecto di actonan por yega te na malesanan venérico manera Aids.

Kimamento di Momo mester ta un parada, delaster añanan e parada di momo ta resultá den un Jump-Up. Actividad actual/actividad nobo. Y por último Statuto di SAC cu no ta mucho cla pa esnan cu ta celebrá Carnaval.



Ruta di Carnaval

Ruta di Carnaval ta un di e punto cu sigur a bin dilanti ayera durante e conferencia di prensa. Mirando atravez di varios aña Vondelaan y Lloyd G. Smith Boulevard a bira dos caminda cu a cai na agrado di e público y tambe pa filmacion di cual e sugerencia ta pa e Carnaval sigui pasa den e dos cayanan aki. Sinembargo por a constata cu ora cu e Carnaval drenta Weststraat y sigui su rumbo den e otro cayanan ta parce cu e celebracion di Carnaval a "muri". Y ta riparabel cu e tocadónan y participantenan ta perde ánimo. Pesey na opinion di e comision mester sigui te cu Licores Aruba of te na Club Visage di cual tin suficiente caminda pa e wordo disolvé ampliamente loke ta beneficioso pa e tráfico.

Actividadnan adicional di Carnaval

Den e parti aki a bin dilanti Parada di luz na San Nicolas. (Of haci parada di luz di O'stad pa público en general). "Prins y Pancho"

eleccion mester ta mas den final di temporada y no promé cu tur e actividadnan. "Logo y Jingle di Carnaval". Organizá tempran (manera den September/October) pa e próximo aña y promové bastante.

Lugar di tene eleccion (varios) di Reina di distrito den cada distrito organizá un evento unda 3 Reina di distrito lo wordo eligí pa representá e distritonan. Gremionan mester por sponsor e reinanan mihó. Cu sigur lo ta ventahoso pa SAC.

"Sra. di Carnaval" pa personanan di 35 aña of mas halto. Festividadnan di Juli - Segundo Carnaval. Incluyendo un "Calypsonian & Reggae Music Festival" (plan ta pa haci e último aki na Seroe Colorado entre Rodger's Beach, Nanki Club, Lone Palm Stadium y Baby Beach riba un weekend. Música "around the clock" na tur cuatro stage).

Mihó premiacion pa diferente costum. Incluf e gruponan den diferente actividadnan pa fundraising i.e. Calypso contest, Tumba contest, Eleccion Reina Grandi, Eleccion Reina Hubenil.

Numeracion pa participá den Carnaval bin cu sistema manera tennis (seeded groups-code).

Carnaval di San Nicolas tambe mester forma un comité pa studia mehoracion maske cu na San Nicolas tin un ambiente mas placentero y menos problemático cu na Playa. Engrandece Jouvert Morning cu aña pa aña tin un decadencia. Trece mas actividad.

Esakinan ta sugerencianan cu Comision di Buena Boluntad a trece dilanti cu a ser mandá pa Ministro di Husticia y Presidente di SAC. □

CLAIROL
CARIBE INC.

and

UNISALES CORPORATION, INC.

cordially invites you to attend a CLAIROL WORKSHOP to be held
on Sunday, October 10th, 1993
from 10.00 a.m. to 5.00 p.m. in the
Aruba Room of the Palm Beach Hotel

R.S.V.P.

UNISALES CORPORATION, INC.

Phone: 23821

Tomatenstraat 8

Introduction



Casita

DEODORIZING CLEANER

Pa un cas limpi y desodorisa

For di awor por usa Casita pa limpi y desodorisa tur parti di bo cas. Bo vloer, cushina, baño, etc. tur ta keda bon limpi y Casita ta laga un fragancia frescu y natural.

Casita ta bini den un botter nobo y masha practico.

Purba e fragancianan nobo y exotico manera Aqua Fresh y Herbal.

Casita ta obtenibel cu e fragancianan Lemon/Citron, Pine, Aqua Fresh, Herbal y Bouquet.

antillean soap company

